



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Narbonensi, Arelatensi, Ebredunensi, Aquensi, & Viennensi Archiepiscopis,
eorumque suffraganeis.

urn:nbn:de:hbz:466:1-20020

*EPISCOPO KALLIPOLENSI,
& Decano sancte Sophie, & Preposito
sanctorum Apostolorum Constantinopolim.*

*S*VA nobis venerabilis frater noster Constantinopolitanus Patriarcha insinuatione monstravit quod Pisani, Lombardi, Longobardi, Amalsitani, Dani, Angli, & quædam alia nationes apud Constantinopolim commorantes in parochiis sibi subjectis, ipsi & Ecclesiis à quibus ecclesiastica percipiunt sacramenta decimas solvere contradicunt. Quocirca discretioni vestrae per apostolica scripta mandamus quatenus memoratos Pisanos & alios manentes in parochiis eidem Patriarche subjectis, ut ipsi & Ecclesiis à quibus percipiunt spiritualia decimas cum debita integritate persolvant, monitione præmissa per censuram ecclesiasticam appellatione postposita compellatis. Quod si non omnes &c. tu frater Episcope &c. Datum ut in alia.

*PATRIARCHA GRADENSI
& Suffraganeis ejus.*

*S*ignificavit nobis venerabilis frater noster Patriarcha Constantinopolitanus quod cùm ipse quosdam Venetorum Constantinopolim commorantes interdum pro excessibus suis, & interdum qua sibi contumaces & rebelles existunt, vinculo excommunicationis innodet, quosdamque subiciat interdicto, ipsi Venetas remeantes se pro excommunicatis vel interdictis non gerunt, nec illos curant aliqui evitare, sed palliū recipiunt ad divina. Quocirca fraternitatē vestrae per apostolica scripta mandamus quatenus eos quos idem Patriarcha rationabiliter excommunicat vel interdicto supponit, cùm id vobis per litteras ipsius constiterit, tamquam excommunicatos architr̄ evitatis, & faciatis à vestris subditis evitari, & interdictis negari ecclesiastica sacramenta. Datum ut in alia.

*NARBONENSI, ARELATENSI,
Ebredunensi, Aquensi, & Viennensi Archiepiscopis, eorumque suffraganeis.*

*N*E nos ejus tangeret increpatio qui per hominis pigri agrum & vineam viri stulti pertransiens, quod totam urticæ repleverint exprobavit, primò quasi mane nostræ promotionis, ac deinde per ordinem evangelicæ vicis exivimus, ut in dominicam vineam nostræ culturæ commissam operarios mitteremus. Attendentes ergo

*Ep. 15.
De excommunicatis
vitan.*

Tom. II.

jamdudum quod in Provincia nimis creverant plantaria vitiorum, ne spuria vitulamina radices mitterent altiores, viros illuc idoneos destinavimus, qui de vinea Domini sabaoth avellerent inutilia & utilia propagarent, capientes vulpeculas que moluntur ipsam vineam demoliri. Ipsi vero profecti repererunt ibi, secundum Apostoli verbum, homines pestilentes, qui doctrinam sanam minimè sustinebant, sed ad sua potius desideria magistros coacervabant erroris. Propter quod nuntios veritatis suis esse contrarios operibus arbitrati, usque adeo sevierunt in illos ut ipsos procul dubio videatur prænuntia salvatoris conquesto tetigisse dicentes: *Ecco ego mittō ad vos sapientes & sibas, & ex eis occidetis &c.* Sanè rem audivimus detestabilem & in communem luētum generalis Ecclesiæ deducendam, quod cùm sanctæ memoriae frater Petrus de Castronovo monachus & sacerdos, vir inter viros utique virtuosos vita, scientia, & fama præclarus, ad evangelizandum pacem & altruendam fidem in eandem provinciam à nobis cum aliis destinatus, in commissio sibi ministerio laudabiliter profecisset & proficeret non cessaret, quippe qui plenè in schola Christi didicerat quod doceret, & eum qui secundum doctrinam est fidelem obtinendo sermonem, in sana poterat exhortari doctrina & contradictores revincere, paratus semper omni poscenti reddere rationem, utope vir in fide catholicus, in lege peritus, & in sermone facundus, concitavit adversus eum diabolus ministrum suum Comitem Tolofanum, qui cùm pro multis & magnis excessibus, quos in Ecclesiam commiserat & in Deum, saepè censuram Ecclesiam incurrisset, & saepè, sicut homo versipellis & callidus, lubricus & inconstans, pœnitutine simulata fuerit absolutus, tandem odium continere non prævalens quod conceperat contra ipsum ex eo quod non erat in ejus ore verbum Domini alligatum ad faciendam vindictam in nationibus & increpationes in populis, ac eo fortius in eodem quod magis pro majoribus erat ipse facinoribus increpandus, tam eum quam collegam ipsius apostolice sedis Legatos ad villam sancti Aegidij convocavit, promittens super cunctis quibus impetrabatur capitulis satisfactionem plenariam exhibere. Cùm autem convenientibus illis in villa prædicta præfatus Comes salutaria monita sibi facta modo velut verax & facilis promitteret se facturum, & modo velut fallax & durus ea prorsus efficere

*Vide historię
Albigensium
cap. 3.*

T ij

* Historia Al-
bigens. dictis
facta

* Raynaldus re-
ponit miracula.
Sed in regefo
in historie Al-
big. legitim lin-
gaz. etiam in
vet. cod. M.S.
bibliotheca Col-
bertina. Legen-
dum ergo signa.

recusaret, volentibus illis demum ab eadem villa recedere, mortem est publicè comminatus, dicens quod quounque vel per terram diverterent vel per aquam, vigilanter eorum observaret egressum; & confessim * factis dicta compenfans, complices suos ad exquisitas infidias delinavit. Cumque nec ad preces dilecti filii Abbatis sancti Aegidij nec instantiam Confulum & burgensem furoris sui mitigari vefania potuererit, ipsi eos invito Comite nimiumque dolente cum armata manus praesidio prope ripam Rhodani deduxerunt; ubi nocte quieverunt instant, quibusdam ejusdem Comitis satellitibus ipsis prorsus ignotis hospitantibus cum eisdem, qui, sicut apparuit in effectu, sanguinem inquirebant iporum. In crastinum itaque mane facto, & Missa celebrata de more, cum innocui Christi milites ad transitum fluminis se pararent, unus de predicis fathanæ satellitibus lanceam suam vibrans, præmonitum Petrum supra Christum petram immobili firmitate fundatum, tanta prodigii incautum, inter costas posterius vulneravit, qui pius in impium recipiens percussorem, & Christi magistri sui cum beato Stephano secutus exemplum, dixit ad ipsum, Deus tibi dimittat, quia ego dimitto, pietatis & patientiae tanta verbum saepius repetendo. Deinde sic transfixus, acerbatem illati vulneris spe caelestium est oblitus, & in instanti sua pretiosæ mortis articulo cum ministerij sui sociis qua fidem promoverent & pacem non definiens ordinare, post multas demum orationes in Christo feliciter obdormivit. Qui profecto cum ob fidem & pacem, quibus nulla prorsus est causa laudabilior ad martyrium, sanguinem suum fuderit, claris jam, ut credimus, miraculis coruscaster nisi hoc illorum incredulitas impediret de quorum similibus in evangelio legitur quod Iesus non faciebat ibi virtutes multas propter incredulitatem eorum: quia quamquam lingue non fidelibus sed infidelibus sint in signum, salvator tamen praesentans Herodi, qui teste Luca valde gavisus est viso ipso, pro eo quod signum aliquod videre fieri ab illo sperabat, & facere dedignatus est signum & reddere interroganti responsum, sciens quod in operatione signorum non credulitatis inducitio sed vanitatis illum admiratio delecebat. Licet autem illa prava & perversa generatio non sit digna ut tam citò, sicut forsitan ipsa querit, de suo sibi martyre detur signum, expedisse tamen credimus ei ut unus ille pro ipsa, ne tota pereat, moreretur, quæ contagio haeretica pravitatis infecta per interpellantem occisi sanguinem a suo melius revoetur errore quam vivus eam potuerit revocare. Hoc est enim vetus artificium Iesu Christi, hoc miraculosum ingenium salvatoris, ut cum in suis viis esse putatur, tunc vincat fortius in eisdem, & ea virtute qua ipse mortem moriendo destruxit, a superatis interdum famulis suis superatores eorum faciat superari. Ni si enim granum frumenti cadens in terram mortuum fuerit, ipsum solum manet, cum autem mortuum fuerit, plurimum fructum afferat. Sperantes igitur quod de morte hujus cœcundissimi grani multis sit fructus in Christi Ecclesia proventurus, cum profecto sit durè culpabilis & culpabiliter durus cuius animam ipsius gladius non pertransit, neque unquam penitus desperantes quin utilitas tanta debeat in sanguine suo esse quod suæ sanctæ prædicationis initis circa memoratam provinciam, pro qua ipse in corruptionem descendit, optata Deus tribuat incrementa, fraternitatem vestram monemus attentiùs & propensiùs exhortamur, per spiritum sanctum in virtute obedientiæ distictè præcipiendo mandantes quatenus verbum pacis & fidei seminatum ab eo vestrae prædicationis irriguis coalescere facientes, & ad expugnandam haereticam pravitatem ac fidem catholicae confirmandam, extirpare vitia & seminando virtutes, indefessè studio sedulitatis instantes, jamicum Dei famuli occisorem & universos quorum ope vel opera, consilio vel favore tantum facinus perpetravit, receptatores quoque vel defensores ipsius ex parte omnipotentis Dei patris & filij & spiritus sancti, auctoritate quoque beatorum Petri & Pauli Apostolorum ejus ac nostra excommunicatos & anathematizatos per universas vestras dioeceses nuntiatis, & omnia loca prorsus ad que ipsi vel aliquis eorum devenerint, praesentibus eis interdicto faciat ecclesiastico subjacere singulis diebus dominicis & festis, pulsatis campanis, & candelis accensis, donec ad sedem apostolicam accedentes per satisfactionem condignam mercantur absolviti, sententiam hujusmodi solemnitatem innovantes. Illis autem qui orthodoxæ fidei zelo succensi ad vindicandum sanguinem iustum, qui de terra claram non cessat ad celum, donec ad confundendum subversos & subversores de celo descendat ad terram Dominus ultionum, viriliter se accinxerint adversus

hujusmodi pestilentes, qui simul in unum & pacem & veritatem impugnant, suorum remissionem peccaminum à Deo ejus, que vicario securè promittatis indultam, ut eis labor hujusmodi ad operis satisfactiōnē sufficiat super illis offensis pro quibus cordis contritionem & oris confessionem veram obtulerint vero Deo. Hujusmodi siquidem pestilentes non tantum jam nostra diripere, sed nos perimere moluntur, nec solum ad perimendum animas linguas acuant, verum etiam ad perdendum corpora manus extendunt, perversores animarum effecti & corporum peremptores. Licet autem præfatus Comes pro multis & magnis flagitiis que longum est per singula enarrare jam dudum sit anathematis mucrone percussus, quia tamen certis indiciis mortis sancti viri præsumitur esse reus, non solum ex eo quod publicè comminatus est ei mortem & insidias paravit eidem, verum etiam ex eo quod, sicut afferitur, occisorem ipsius in multam familiaritatem admisit & magnis donis remuneravit eundem, ut de ceteris præsumptionibus taceamus quæ nobis plenius innotescunt, ob hanc quoque causam anathematizatum eum publicè nuntietis. Et cum juxta sanctorum patrum canonicas sanctiones ei qui Deo fidem non servat fides servanda non sit, à communione fidelium segregato, utpote qui vitandus est potius quam fovendus, omnes qui dicto Comiti fidelitatis seu societatis aut fœderis hujusmodi juramento tenentur astricti, auctoritate apostolica denuntiatis ab eo interim absolutos & cuilibet catholico viro licere, salvo jure domini principalis, non solum persequi personam ejusdem, verum etiam occupare ac detinere terram ipsius, illo præsertim obtentu quod ab heresi per suam prudentiam fortiter expetur, qua per illius nequitiam fuit haec tenus turpiter maculata; quia dignum est ut manus omnium contra ipsum insurgant cuius manus exitit contra omnes. Quod si nec sic vexatio sibi dederit intellectum, manus nostras in eum curabimus fortius aggravare. Si quando verò satisfactionem promiserit exhibere, procul dubio ipsum hæc penitundinis sue signa præmittere oportebit, ut de toto penitus posse suo depellat pravitatis hæreticæ sectatores, & se pacifatagat conciliare fraternæ, cùm principaliter propter culpam quam in utroque noscitur commississe, in eum ecclesiastica fuerit prolata censura; quamquam si suas Dominus iniquitates voluerit observare,

vix possit congruè satisfacere, non tantummodo pro se ipso, sed pro alia multitudine quam in laqueum damnationis induxit. Quia verò secundum sententiam veritatis timendi non sunt qui corpus occidunt, sed qui potest corpus & animam mittere in gehennam, confidimus & speramus in eo qui ut à fidelibus suis timorem mortis auferret, mortuus die tertia resurrexit, quod præfati hominis Dei mors venerabilis fratri nostro Conferanensi Episcopo & dilecto filio Abbatii Cisterciensi apostolica sedis Legatis alisque orthodoxæ fidei sectatoribus non solum timorem non incutiet, sed accendet amorem, ut ejus exemplo qui vitam æternam temporali morte feliciter est mercatus, animas suas in tam glorioso certamine, si necesse fuerit, pro Christo ponere non formident. Vnde consulimus & monemus, preces præceptis & præcepta precibus inculcantes, quatinus Legatorum ipsorum falubribus monitis & mandatis efficaciter intendentes, tamquam strenui commilitones assistatis eisdem in omnibus quæ propter hoc vobis duxerint injungenda, scientes quod sententiam quam ipsi, non solum in rebelles, sed etiam in delites, promulgarint, nos ratam haberi præcipimus & inviolabiliter observari. Datum Laterani.

Vide infra Epist. 34.

In eundem ferè modum Archiepiscopo Zugianensi & suffraganeis ejus, usque præcepta precibus inculcantes, quatinus ad tantum Dei servitium prosequendum consilium impendatis & auxilium opportenum, quæ præmissa sunt subditis veltris tam Clericis quam laicis prudenter & efficaciter exponendo, exhortantes eos & in remissionem suorum sibi peccaminum injungentes ut & ipsi suum impendant in tam sancto negotio dignum Domino famulatum. Datum Laterani.

PHILIPPO ILLVSTRI REGI
Francorum.

Si tua regalis serenitas cunctos mundi Principes circumspiciat, inveniet se à Deo specialiter inter ceteros exaltatam, qui ex gratia sua & ex meritis quæ tam tu quam tui progenitores in ipsius conceptu fecisti, multipliciter nomen tuum est magnificare dignatus, augens tibi gloriam in præsenti & gloriam præparans in futuro, pro eo maximè quod unam sanctam catholicam & apostolicam Ecclesiam confitendo, odisti semper & repulisti feras hæreticæ pravitatis. Nuper quidem

T iii

Epist. 27.
De eadem re.